

زينب مصطفى

حكايتنا سوا

شعر

الطبعة الأولى مارس 2020

بطاقة الكتاب

عنوان المؤلف	حكايتنا سوا
المؤلف	زينب مصطفى
التصنيف	شعر
رقم الإيداع القانوني	2020-7464
الترقيم الدولي	978-977-6771-74-1
رقم الإصدار الداخلي	604 الطبعة الأولى مارس 2020
عدد الصفحات	100 صفحة

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: nagyegy200064@gmail.com

البريد الإلكتروني: alnilwaalfourat@gmail.com

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ 13 - عقار 304

إهداء

إلى من ينساب حبهم بأوردتى وشرائيني وسطرت كلمات
تذوب عشقاً بديواني.

إلى بناتي وأحفادي وأصدقائي واخص بالذكر أصدقائي
بالفيس وإلى بلدى الحبيبة مصر .

وشاعر الروائع الاستاذ / عبد الرحمن البجاوى الذى إهدانى
مقدمة ديوان حكايتنا سوا

الشاعرة

زينب مصطفى

حكايتنا سوا

ما أكثر الحكايات التي يتوارثها الآباء عن الأجداد ويرردها العاشقون من الأحفاد الذين يهيمنون في وطنهم فينهلون من كوثره العذب وعطائه الفياض الذي يتألق على ضفاف النيل من الجنوب إلى الشمال ومن الشرق إلى الغرب مسجلا عظمة تراثنا في الشعر والقصة والغناء والزجل والموال.

ومع ديوان (حكايتنا سوا) للشاعرة زينب مصطفى الذي يعبر عن مشاعر فياضة حول الوطن والهوية والزمان والمكان ويجسد مشاعرنا إزاء مآثره ونحس به في حياتنا وبين أهلنا الذين يعشقون السباحة ورعاية الأصول. ومن خلال ست وثلاثين قصيدة مختلفة الطول والقصر تحمل عناوين معبرة عما تحتها من العواطف الأسرية بين الأهل والأحباب وما يدور على الساحة من متاجرين بالآلام الآخرين وكأنهم لم يشربوا كأسا من النيل ولم يأكلوا من فاكهته ولم يطعموا من من خيراته فنجد الشاعرة تكتب عن شهداء الإرهاب وعن عظمة مصر وشعبها وجيشها وتنتقد المرتشين الذين يبحثون عن مصالحهم الخاصة ويبيعون ضمائرهم بخسا ونقرا للشاعرة تحت عنوان (مصر جوا

قلبي" / باعشق قمرک و سماکي / باعشق نیلک و غناکي / باعشق
شهيدک بدمه و روهي فداکي / يادرة التاج يا مصر رب العرش
نجاکي".

وعن جيشک يا مصر - حماها الله - نقرأ: "أرضک يا مصر
مقبرة الأشرار / محيتي کم غزاة و سحقتي الاستعمار / جيشک
العظيم أسوده ثوار / عشت يا مصر في حفظ الواحد القهار".

وتعز الشاعرة بثغر (الإسكندرية) عروس البحر
الأبيض المتوسط فنقرأ قولها: "ليکي مني أرق هدية من
بنت المنوفية / يانسمه رقيقة معدية / وموجة عالشط مهدية /
ميامي والمنتزه والمنشية / يا جمال أهلك في الملاغية /
ياساکنه قلبي من زمان / ولقربک دايمًا عطشان / الكون سما
وانت قمره / والجمال أنت قدره".

وتنتقد في جراحة مائراه من المرتشين الذين يبيعون
ضمائرهم ولايجنون إلا البوار فنقرأ لها في صدق: "يا
مرتشي لاذمة لك ولادين / قاعد تستف بالملايين / وبتصرف
شمال ويمين / آهي راسک بقت في الطين / يا بوعين باکسة
وقوية / آه ياشلة حرامية !!! / ياقلوب جاحدة وغبية / دامن آمنک
لم تخونه / لكن البعدا ناقصين تربية".

وتدعو الشاعرة إلى قيم الحق والعدل والصدق
والأمانة والعمل والأمل وتهتم بتاريخ الذي بنى مصر قديما

وبشهر رمضان المكرم حديثاً فتقول: "رمضان ياشهر النور
وعفو رب غفور/ يانعمة م الرحمن والعنق م النيران/ يا
مجمع الأحباب وزايد فيك حبنا/ يا أعظم شهور السنة والخير
كله جه عندنا" وبالديوان مجموعة قصائد رومانسية منها
اسأل عليا ،وحيد سهران، ساكن قلبي وعيني، يا مركب
الحبائب ،فكرت مرّة تحب، ياقلبي رايح فين؟ ونذور مع
قصيدة العنوان للديوان فنقرأ ماكتبته الشاعرة زينب
مصطفى باركها الله:" حكايتنا تبدأ في الهوى واحنا سوا
كانت حكاية/ وبإيدك انت رسمت لها قوام النهاية/ أنا أقوى
من زمان/ ولا أرضى ف يوم هوان/ عايزاك تبعد عني
وتجرب نار الهجران/"ولاشك أنها متأثرة بغناء سيدة الغناء
العربي أم كلثوم ،كما أن لغتها سهلة وخيالها قريب
وقصائدها متماسكة ونتمنى لها مزيداً من التألق والعطاء في
محراب الكلمة الشاعرة ،والله الموفق.

2020/1/15م

أ/عبد الرحمن البجاوي

عضو اتحاد كتاب مصر

حكايتنا سوا

حكايتنا في الهوا
وإحنا سوا كانت حكاية
و بإيدك أنت رسمتها
أوام النهاية وراجع تتكلم
عن المشاعر والإخلاص
أنا نسيك خلاص
انت بالنسبة لي ذكرى
بعد ماكنت
أمل في بكرة
راجع تاني ليه
تشوف جرائي إيه؟
أنا أقوى من زمان

وعلمتني الأحزان
ما ضعفشي مهما كان
ولا أرضى في يوم هوان
أنا مش عايزة منك
عطف او حنان
أنا عيزاك تبعد عني
و تجرب نار الهجران

بتلف الدنيا بينا

بتلف الدنيا بينا
خلتنا ف توهان
داحنا عايشين في غابة
عايشين وسط غيلان
فين راحت الانسانية
والناس ملهاش امان
قتل وحرب ودم
عايشين اخر الزمان
ما بقاش في قلوبهم
رحمة ولا يعرفوا الايمان
كل اللي شايف نفسه
يطلع علينا الجنان

يا ظالم فوق لنفسك
بطل بقي هذيان
يكفيننا مر اللي فينا دا
الغلب من غلبنا حيران
لو كنت شقيت في
دنيا ودقت الحرمان
وعايش خايف من بكره
لتشوف ذل وهوان
يمكن تتحرك مشاعرك
يمكن جواك انسان
يمكن تستغفر لذنبك
وتقول انا ندمان
لكن جبروتك واخذك
لسكة العصيان
لا ترحم ضعف البشر

واللي اتغطي بيك عريان
سرقة اغتصاب تحرش
آه يا بني الانسان
افعال من بشاعتها
تشيب لها الولدان
وانت عايش في التوهه
ولا تخشي غضب الرحمن
اتقي يوم القيامة يوم
يتنصب لك الميزان
وتقول يارب ارحمني
يارب انا ندمان
اعلن توبتك لربك
قبل فوات الاوان

إزرع بذور الخير

ازرع بذور الخير
في كل مكان
ولا تندم علي خير
فعلته مهما كان
وناكر جميلك
هو كذا طبعه
ناكر الفضل والاحسان
فضل ربك علينا واسع
ساعد المسكين
واعطف علي الغلبان

عامل الناس
باخلاقك ومعدنك
وامسح عنهم
الدمع والاحزان
بلاش تبخل
بمالك ويوم القيامة
تقول ياريت اللي
جري ما كان
وبعد فوات الاوان
تقول يارب انا ندمان
صدقتك مهما
كانت تثقل الميزان
ليه تعيش بخيل
عبد للشيطان؟

لا تعطف علي
مسكين وتركته للحرمان
لا مسحت دمة محروم
ورحمته من الاشجان
ولا خففت الم مريض
وتركته هزيل تعبان
ليه تكثر في مالك
ورب العباد عليك غضبان
وسبق ووعدك ان
جزاء الاحسان احسان
سبحانه سواك من طين
ونفخ فيك وجعلك انسان
يحب يشوف نعمته عليك
سبحانه الرازق المنان

الشهيد

يا شهيد الوطن والواجب

وضحية الارهاب

رافع راس بلدك لفوق

يا خيرة الشباب

ساكن قلوبنا يا غالي

يا اعز الاحباب

جنة ربك بتناديك

فتحت لك الابواب

من يومك شهيم وبطل

زي ما قال الكتاب

الارهاب سواد و غدر
هو سبب الخراب
واللي في طريقه مشي
ما يجني غير العذاب
لا له ملة ودين
ولا ينفع معاه عتاب
افتروا كتير علي ديننا
زي مسيلمة الكذاب

إبني شهيد الإرهاب

قالوا ابنك شهيد الارهاب

قلت مش معقول

استرجعت ربي

وغلبني الفضول

نطقت الشهادة يا

بني طمني قول

يابني يا حلم عمري

يا فراق علي طول

صورتك ولبسك في حضني

بالدمع بقي مبلول

نولت الشهادة يا بطل

نولت من الله القبول
بكت عليك الرصاصة دم
وما رحمك همج ومغول
يا رصاص وطايش في الهوا
اصحابك ما لهم عقول
المأجورين القتلة
فكر كرية وجهول
المرتزقة لا ملة ولا دين
وصلهم كمان مجهول
لمزبلة التاريخ يا ارباب
ارحل غور
شعبك اصيل يا مصر
عمره ما كان مذلول

ولا عمر جيشك في يوم
كان الدراع مشلول
انتي اللي باقية يا بلدي
والارهاب لا بد يزول
في حفظ الله يا غالية
شعبك وجيشك جسور

اللي بني مصر

اللي بني مصر
كان في الأصل فنان
بناها درة التاج
علي جبين الزمان
ياما عاش عليها بشر
في كل عصر وآوان
فراعنة دول اصلها
برعوا في البنيان
أحمس هو البطل
وقائد الفرسان

محا الهكسوس خلاهم
في طي النسيان
في سينا تجلي الله
يا موسي انا الرحمن
علي أرضك اجتمع شمل
يوسف وعاشوا في أمان
مريم البتول ووليدها
ختيهم بالاحضان
هجم المغول يخربوا
كأنهم غيلان
ما حد قدر عليهم
ولا يوقف الطوفان
الا انتي يا بلدي
وأهلك الشجعان

صاح قطز في شعبك
لنصرة الأوطان
وفي عين جالوت
كان العدو خسران
حملة وغارت عليكي
ببرفعوا الصليبان
قام صلاح الدين
وجمع الاديان
مسلم مسيحي واحد ما
تفرق بين الاخوان
وفي حطين الله
اكبر بتززل البنيان
العدو فيها انهزم
وجني العار والخذلان
الترك اغتصبوا أرضك

ساقونا المر كمان
كل اللي غار عليكي
لا عاش ولا كان
أنفضي غبار الظلم
وأرفعي راية العصيان
علي كل باغي
وأنصبي للعدل ميزان
أحمد عرابي وقفته
ما ينساها الزمان
لولا خيانة كل
خسيس وجبان
ثورة في يوليو
قامت لكرامة الانسان
نصر اكتوبر وشعبك
عمره ما يتهان

رجع كرامتك
وقدملك النصر قربان
أنتي الأصالة يا
مصر وللكرامة عنوان
عيشتي فخر لأمتك
رمانة للميزان
عيشتي بلد الامن والامان
عيشتي آيات بالمصحف
عيشتي بالوجدان

سأل عليا....؟

سأل عليا

ياتري ولا تهيوأت؟

مابعتشي كلمة ولا

حتي قال سلامات

هانت عليه العشرة

وسنين العمر الي فات

ولا أفكر ليالينا

ولا حن للذكريات

ولا لضحكنا وفرحنا
وأرق الهمسات
وسعادة قلبي بيه
وبعده عن الأهات
ياما دوبيني بحنانة
وأعذب الكلمات
سكر كلامه وعسل
وقول كمان شربات

يقول حبيبتي أتمني
قربك بالساعات
مهما يطول الوقت
بيننا يعدي لحظات
ليلاتي افكر فيك
حبيبي وأحن للذكريات
كل الي افكره منها أنك
حبيب عمري وحياتي

ياروح الروح نسيت
بيك الامي واهاتي
يا أغلي من روعي وعينيا
أعطف حبيبي شويه
كفاية هجر وأسيه
كنا اتنين في الهوا دايبين
دوبنا الشوق والحنين
ومهما طالت السنين
أنت أنت حبيب الروح والعين

وحيد سهران

فات عليك الليل
وانت وحيد سهران
تقاسي من الوحدة
وفرقة الخلان
وتفتكر ليااليهم وتقول
ياريت تعود يا زمان
ياحبايب من بعدكم
فكري شريد حيران
عايش علي ذكراكم
والماضي اللي كان
ودموع العين تنزل
منها من لوعة الحرمان
حلمي تزرع وسطكم

عود أخضر ريحان
عطر حياتي ودنيتي
عطر كل مكان
لو دمع عيني يرجعكم
خدوا قلبي وروحي كمان
حبكم في القلب شايله
عمره عليا ماهان
ياريت سلامي يوصلكم
انا لقربكم عطشان
يحفظكم ربي بحبكم
هو الحليم المنان

ساكن قلبي وعيني

يا اللي ساكن قلبي
وبعيد عن عيني
طمني حبيبي
فاكرني ولا نسيني
يا اللي كلمة منك
كانت بتحبييني
يا اللي نظرة من
عينيك كانت بتكفيني
جددت فيا الأمل
حببتني في الحياة
انا شوقي لقربك
وصل لمنتهاه
نستني غدر الليالي
نستني قولت اه
أنت حبيبي ودنيتي
أنت اللي بتمناه

أنت اللي جوا قلبي
وفي عيني أنا شيلاه
ما كنتشي كلمه اتقالت
تبعد كده وتروح
وتفوتني وحدي هنا
زي الطير المجروح
نسيت زمان حبنا
وعطر كلامك لما يفوح
لو كنت غالية عليك
يا حبيبى يا تؤام الروح
كنت تعذرني يا غالي
زي ما بحبك ببوح

يا مصر جوا قلبي

يا مصر جوا
قلبي أنا شيلاي
بعشق طيبة أهلك
مالي وطن سواي
بعشق قمرك وسماي
بعشق نيلك وغناي
بعشق كل بطل

صانك وحمائي
بعشق شهيدك بدمه
وروحى فداكى
بعشق ارضك يا غالية
ولا يوم أبدا انساكى
بعشقك يا بلدى
ودبت دوب فى هواكى
يا درة التاج يا مصر
رب العرش نجاكى

تمر علىكى السنين
ما حد قدر يتحداكى
حبك بيجري فى دمننا
وأجمل سنين عمرنا
فى صباحك ومسائى

ولمة الحبايب والصحة
والقرايب كانت هنا معاكي
مهما اتغربت يا بلدي
بعين قلبي أنا شيفاكي
عمرك ما غبتي عن فكرنا
عيدنا يوم لقاكي
يا نعمة من الرحمن
نيلك الأسمر بالخير رواكي
خديني في أحضانك
أعيش علي أرضك وياكي
دايما يا مصر رايتك
مرفوعة في سماكي
يا أم الدنيا يا مصر
يا حبيبتي انا بهواكي

شهر رمضان

رمضان يا شهر
النور وعفو رب غفور
الناس متشوقين
لقدومك مستتين
يا شهر الذكر والتسابيح
وصلاه التراويح
والنقشبندي والتواشيح
والاذاعة والقران
والشيخ رفعت والأذان
يانعمة من الرحمن
والعتق من النيران
وأعظم شهور السنة
الخير كله جه عندنا

والانوار والفوانيس
كله نور حينا
فيك ما لذا وطاب يا مجمع
الأحباب وزايد فيك حبا
والكنافة والقطايف والبسبوسة
وجمال مصر المحروسة
والأزهر والحسين والناس
الطيبين هناك متجمعين
وموائد الرحمن والخير
كمان وكمان
والمسحراتي ينادي اصحي
يا فلان سبح الرحمن
وصلي علي النبي العدنان
يحرصك ربي يابلدي
وتعيشي في أمن وأمان

علي فين رايعين .. ؟!

سألت العمر
علي فين رايعين ؟
قال نطل طله
علي ماضي السنين
ونشوق سنين مضت
فيها فرح وانين
وناس علي القلب
كانوا أغلي الغاليين
إن غابوا عن العين
في القلب متشالين
شفت الطفولة وجمالها
وغلبني الحنين

لشمل الحبايب والأهل
أصبحنا متفرقين
وشباب العمر ووحدته
زي اتنين عاشقين
تدور بينا الليالي
ما نعرف احنا مين
ومن قسوتها علينا
نقول علي فين رايعين
ليه يا أيامنا كدة تقول
انتو ناس جاحدين
أعذب فيكم
وبرضوا راضين
مهما عملتي يادنيا
وكنا علي الشوك ماشين
بقضاء الله وفضله

أحنا من الصابرين
هو سندنا في دنيتنا
هو ارحم الراحمين

أقدار

أقدار بتغير حياتنا
علي غير انتظار
ممکن تفرحنا و ممکن
من قسوتها ننهار
هي درس من الحياه
تكون لتحملنا اختبار
لا تقبل منا أسف
ولا أي اعتذار
شيء مقدر علينا
وسر من الأسرار
لا لنا فيها يد
ولا كمان اختيار
ولا تلوم نفسك عليها

وتتجرع الألم باستمرار
وتقول ياريت
اللي جري ما كان
وتصر علي الندم اصرار
فوض الأمر لله وقول
دبر لي يارب واختار
يا رب مليش غيرك
اصرف عنا الأخطار
بحق رحمتك بعبادك
يا عالم الأسرار

فكرت مرة تحب حد؟

فكرت مره تحب
حد من كلامه؟
وتنمني تشوفه ودوب
من سحر سلامه
وتخاف علي قلبك
من الحب وسهامه
رسمت له في القلب صورة
بكل كلمة من كلامه
متزينة بلون الورد
والحب وحنانه
لو يومين عدوا عليا من
غير ما يطربني كلامه

أقول دا كده زاد في الأسية
دا كده طول خصامه
أكلمه أنا مكسوفة
لكن للقاء أنا ملهوفة
صورته في قلبي
بكلمها وكأني معاه
ااه ياقلبي من بعده
اه تمنني عيني رؤياه
كل دا وانا مش شايفاه
هيجري ايه ساعة لقاء ؟
ياريت تجود يازماني
علي القلب اللي أضناني
شفت صورته في الجريدة
خلت أحلامي سعيدة
ونبض قلبي بقي تنهيده

له طلة بهية
ووسامة مش عادية
حبيب قلبي وعينيا
وما تلوموش عليا

عود يا الحبيب

أمتي نعود يا الحبيب
أنت في قلبي قريب ؟
بعادك والله صعب
وفي دنيتي لوحدي غريب
فين رسايلك فين بريدك
فين سلام قلبي لأيدك
في الهوي أنا شهيدك

زمن الحبايب ايه يعيدك
لو بينا بحور وجبال
وصالك ماهو محال
هجر ده ولا دلال أسال

قلبك وقول... ايه قال؟

اه يا غربة الأيام

اه يالمة الصحاب

راحو فين فين الأحباب

قلبي من بعادهم داب

وبكيت بحرقة علي الأعتاب

المكان اللي جمعنا واللي

انت خلّيت له ألف معني

واللي شاف يوم وداعنا

لو يقول او يسمعنا

يقول والله ما بخاطري اسيبك

ولاتفوت أحضان حبيبك

دا أنت الدوا وانا طبيبك
واللي علي أمره مغلوب
هيروح فين من المكتوب
انا بشر كلي ذنوب
صبرت صبر ايوب
مصيرنا بالأمل يمكن تغيره
ولو ربي ما غفر الذنب
ما يكنشي بعاذك تكفيره

صفا زمانى

صفا زمانى

و هنانى و قربنى ليه

و فى ليلة صافية

هنية عرفنى بيه

كل الأمانى

اتمنتها لقيتها فيه

حبه و حنانه وبسمته

ونظرة عينيه

و لقتنى من

فرحتى بغير عليه

نسيت معاه الآهات

وسنين عمرى اللي فات

يا أجمل حب فى حياتى

يا أرق من همساتي
يا أحلى من ذكرياتي
يا سنين عمرى اللي آتى
حبك فرحنى وهناتى
لا قبله حب ولا بعده تانى
خلا الكون حب وحنان
خلا الزمان غير الزمان
تقول بحبك أنا مجنون أقول
أنت حبيبى ونور العيون
ياريت يا قلبى حبه يدوم
وأفرح معاه علي الدوام
و لو يا عيني في الأحلام

حنين

قلبي بيحن إليك
و لو غالى
عليك ماتجرحوش بإيديك
سبب له الذكرى الجميلة
ليلة بألف ليلة مالي
في هواك حيلة
بتفوت عليا الساعات
أفتكر فيها اللي فات
تصحي جوايا الآهات
و الدقايق و الثوانى
وياك إنت شكل تانى
أنسى وياها زمانى

يا حبيب قلبي وعينيا
هات إيديك تلمس إيديا
ضمنى قرب شويا
طمنى و طمن لياليا
ياللا ننسى الماضى البعيد
و نبتدى تانى من جديد
كل يوم وياك دا عيد
و قلبي بيك فرحان سعيد

صدقته

صدقته ودى غلطتى
جرح قلبى خد منى فرحتى
و الفراق بينى و بينه
كان نهاية قصتى
كان زمان حبه كيانى
هو فرحة مهجتى
والنهاردة من اللى جralى
بقول يا حيرتى و وحدتى
كان لما يمر يوم
و تملأ سمانا الغيوم
أقول له يا حبيبى

يقول ما عليا لوم
خلانى على طول غلطانة
و أنا قلب و وروح أنا إنسانة
يا ظالم من حبك آاه يانا
و الله علي حبك ندمانة
يا قلبى لو كان حبيبك
ما كان هان عليه تعذيبك
هي قلة بختنا خلته
من بختك و نصيبك
واللى اتكتب عليك يا قلبى
لا بد في يوم حيصيبك

ليه يا نفسى

ليه يا نفسى تأسى عليا
ما كفاية اللي بيا
اللي افكرته حبيب
ومعاه الجروح حطيب
زود نار اللهيب
وشمت عوازلى فيا
ياما اتمنيت يا غالى
نحقق سوا الأمنى
ومعاك رضيت بحالى
تأسى عليا أنت ولياليا
و يسألونى عنك
أقول دا أغلى هدية

لتشمت عوازلى فيا
يا هاجر يا أنانى
نسيت خلاص زمانى
ياريت ما شفتك يا ريت
ولا بحياتى مریت
بعد فوات الآوان
حتفتكر زمان
و تقول ياريت يا عمرى
ما جري اللى كان
سهم الندم حيصيبك
والفكر موش حيسيبك
و تفتكرنى ساعتها
ما تلاقى غيرى حبيبك

يا مركب الحبايب

يا مركب الحبايب
لبركم عدينى
أتهنى بقربكم
وتتملا منكم عينى
عائشة علي ذكراكم
يا أحلى أيام سنينى
الفكر شارد معاكم
بيخذنى ويودينى
أمتي الزمان يعطف
وبوصلكم يهنيني
مهما بعادكم طال عمر
البعاد ما ينسينى
حبايب القلب والروح

حبايبي يا ضى عيني
هل النسيم بعطركم
يا زهر بساتيني
نزلت دموع العين
امتي حبيبي تجيني
يا دنيا رقي لحالي
ليه بتعانديني
حبايينا أغلى من الروح
ليه ببعادهم تختبريني

اعتذار

ما بقاش ينفع بينا إعتذار
ولا حقبل منك إعدار
ياما قالوا عليك قاسى و غدار
كان قلبى شاريك وهو اللي اختار
كل اللي بينا خلاص انهار
تقول نصيب تقول أقدار
كان لازم اقرر واختار

هو الود والحنية و حبك
ليا كانوا محتاجين قرار
ليه وقت العتاب بينا

بتكون كإنك إعصار
إوعى تفكر بكايا علي اللي
فات ضعف أو إنكسار
أو إنك قهرتنى
وحققت إنتصار

ببكى على غدرك
بيا بدون إنذار
علي عشرة سنين
نهايتها دمار
علي نهاية قصة
حبنا وإسدال الستار
علي قلبى اللى اختارك
وأساء الاختيار

حبه زى حلم جميل

حبه زى حلم جميل

زى نسمة صيف

تشفى القلب العليل

زى نغمة تمس

القلب فى المواعيل

زى جمال الشمس

وقت الأصيل

زى قمر طالع فى

وسط ليل طويل
نور جمالك غطى
علي ضي القناديل
اوصف إيه
ولا إيه أنا
مهما قلت برده
في وصفك بخيل
يا أجمل هدية حس بيها
قلبي و شافتها عينا

ما شفتش أبدا في
حبك يوم أسيه
يا أغلي من روى
عليا انت حياتي
و الحياة عليك شويا

حبك عدا كل
الحدود وإن
بعدت يوم قلبى
من تانى يعود

صاين حبك وودك
صاين كل الوعود
حبك حياتى و دنيتى
أقوى من أى عهود
انت نصيبى و قسمتى
وانا اللى بيبك موعود
العمر كله احبك
وحق ربنا المعبود

بعد المغربية

بعد المغربية
شافت عينيه
الحبايب متواعدين
القلب يلاغى العين
و الشوق ويا الحنين
بالسعادة طايرين
كل الأحبة اتنين اتنين

وانت يا قلبى حبيبك فين
كنا هنا من سنين
أول لقاء بينا صدفة
قلبى اتخطف منى خطفة

جذبتني نظرة عينيه
ولقنتني بفكر فيه
والقلب يقول جري إليه
حالي اغير كده ليه؟

صدفة جميلة يا قلبي بحق
افتحلو بابك ما تقولش لاء
خلا مشاعرك كثير أرق
كفاية يا قلبي كفايه دق
فكرت كثير أكلمه وأقول له
وأفهمه يمكن يواسيني
نفسى تقولى بلاش طوعيني
ليه يا نفسى ليه تلاوعيني

اختار كلامك

اختار كلامك زين

وشوفه رايح فين

كل كلمة تقولها

تبقي سلف و دين

في كلمة تسر القلب

وكلمة تبكى العين

وكلمة ما تنسي

لو مرت سنين

كلمة تكسر خاطر

وكلمة تدوبك حنين

و كلمة لما تسمعها تخلي
الدنيا هنا قل و ياسمين
وأيامك متعطرة
بالورد والرياحين
كلمة الصعب بيها يهون
تحكم عليك إن كنت
عاقل أو مجنون
إن كان كلامك عدل
يبقي فعلك موزون
يا اللي الكبر طبعك
واتولد فيك بدرى
تقول كلام جارح
وفاكره حيعدى

و تخسر حب الناس
وتخسر كمان ودى
ان كان كلامك عسل
من شهدده اسقينا
تفضل حبيب قابنا
ونشيلك في عنينا
مهما بعدت عنا
هتفضل غالي علينا
دا الكلمة الطيبة
صدقة زي ما قال نبينا

أعز الحبايب

إن طال غيابكم
يا أعز الأحباب
حتفضلوا جوا العين
وبين الأهداب
يا اللي بعادكم هو العذاب
ياريت تعود لياليكم
ولا لوم ولا عتاب عليكم
نتمني نظرة من عنيك
قلبي من بعادكم داب
يا حبابنا يا أعز الاحباب
بتعدى السنين و تروح
واكتم في قلبي النوح

و دمع العين بالآه يبوح
حبائبي يا روح الروح
لما طيفكم هل علينا
فتحننا لأحضانكم إيدينا
وحكينا معاكم و روينا
ومن شهد كلامكم ارتوينا

خلاص بقيتوا ذكرى السنين
وبقينا من قربكم محرومين
علي بعادكم مش قادرين
يا دنيا فانيا فيكي
العذاب ألوان
كله يهون الا فراق الخلان
بيعصر القلب و يهد الكيان
ويبدل فرحنا أشجان

يا حبايب الروح
والعين والقلب كمان
حبايبنا يا أغلي الخلان

ضحكت حبيبي

ضحكت حبيبي

على شط الهوى ميلا ليا

زغاليل وطايره بنيت

لها فى قلبى بنيا

حبك يا روجي ما كان

على خاطر دا بالنيا

وأنا نيتي صافية من

شهد قربك مرويا

تهون الدنيا لعيونك

يا أغلى ماليا

غازل هوأنا العنب

طابت عناقیده
سجد فی اید حبیبی
یسبح بحمد سیده
طیر المحبة صدح
وسمعت تغریده
رد علیه قلبی
بشوقه و تنهیده
دا یوم لوقا الحبيب
هو یوم عیده

إسكندرية

من بنت المنوفية
ليكي منى أرق هدية
ياللى حبك فى قلبى غية
يا دبحه قلبى بحنية
ايوه يا أسكندرية
يا نسمة رقيقة معدية
وموجة على الشط مهادية
عروسة البحر يا حورية
أذان وصلاه فى الفجرية
وقلعة وأثار أزلية
ميامى والمنتزة والمنشية

يا جمال أهلك فى الملاغية
سهر وصهلا للصبحية
وأغانى ناعمة فيروزية
وموال بنت البلد بدرية
حسيت فيكى بالامان
يا ساكنة قلبى من زمان
ولقربك دايمًا عطشان
عشقتك من أول يوم
ونسيت فيكى الهموم

يدوم حسنك يدوم
الكون سما وانتى قمره
والجمال انتى قدرة
واللى ما زارك
فاته نص عمره
كل الجمال فيكى
يا بخت أهلك بيكى
رب الكون يحميكى

عصفور

عصفور فارد

جناحه في الفضاء

صار غناه مواويل

طاير يسبح لله

تسمعه بيقول تراتيل

غرد واشجينا واشفي

القلب العليل

يا نغم علي عود

والعزف رباني
الله عليك قول
وعيد تاني
واسكب الالحان
عطرلي بستانتي
طار بعيد ووليفته
طايره معاه
تنعم بقربه فين
ما يروح وياه
مكسورة الجناح لكن
في قربه حياه

رسائل

رسائل رسائل

بالمشاعر تتمايل

فيها اللي حظه هائل

وفيها اللي بخته مايل

واللي علي حبيبه بيتحايل

رساله تضمها وتبكي

من الفرحة عينيك

ورسالة تشوفها ترتعش

من الخوف ايديك

رسالة تهون الدنيا بيها

وتروح للي شاريك

ورسالة تقول لصاحبها

ابعد عنا الله يخليك

تبعث جواب للي

العشم فيهم خاب

خسارة فيكم كلمة عتاب

أسف اني اعتبرتكم

في يوم احباب

ورسايل من عند الله

بتعرفك عدوك من حبيبك

لو ماشي في طريقك

عدل ايه يعيبك

رسالة تقولك اوعي

سم العين يصيبك

دا العين الحسودة

للقبر تجيبك

خلي في قلبك عمار

دا الامل يحييك

وقول يارب انت المستعان

يا احد ما لك شريك

اياك تهين أصيل

اياك فى يوم

تهين اصيل

وتفتكره جبله وعويل

وتقول هيتحمل ويشيل

كرامته عنده

ملهاش بديل

دارت الايام

واتحكموا الاندال

زي الشريك المخالف

كثير الجدل
معرفة خسارة وتشوف
علي ايديه احوال
اصلك فعلك
صدق مين قال
يبان في حلمك
وغضبك وكل الاحوال
الصبر طيب
وبعزيمتك مفيش محال
دي الريح مهما
تعصف ماتهز الجبال

كلام الناس

ناس بكلامها
غاوية تعك
كبر دماغك
منها وفك
عليه البيضة
عمال يبرك
ناس عديمة القيمة
محتاجه بلوك

عدو ومشتهي ثورة
قال ايه كشف
لنا العوره
محتاج في
الادب دوره
غور يالا
الف غورة
يالي كلامك

مش تمام
أسيادك دفعوا لك كام
تهدم مصر ولا
في الاحلام
وتبقي مصري
والله حرام
يا عيل يا
عديم القيمة
حرامي وفاشل
في السيمة
امن الوطن
عنك جريما
بطل تنفخ
في البوق
يا اصفر يابو
غل وعروق
اصحي من
اوهامك فوق
مصر رايتها
هتفضل لفوق

يا قلبي رايح فين

يا قلبي خليك مكانك
فايتني ورايح فين
اتخطفت بكلمه حلوه
ولا بنظرة عين ولا
ضمة شوق لقلبه
دوبت فيها من الحنين
ياما سمعنا غناوي
عن عشاق مجروحين
واللي بتحبه يا قلبي

مفیش منه اتنين
حبيبي يا قلبي
يا تفسير منام

يا عمري احبك
من غير كلام
يا طعم المحبة
وغنوة غرام
اه من بعادك
وقسوة الايام
يا شجرة محبة

طرحها حنان
طيورها تغرد
أعذب الالحان
دوبني بقربك
واقول لك كمان
ياللي حبك بقلبي
وعمره ما هان

جيشك يا مصر

يحمي الديار
كل بطل مغوار
أرضك يا مصر
مقبرة الأشرار
كم محيتي غزاة
وسحقتي استعمار
وزلزلتي عرش
كل متكبر
جبار لساحة
النسيان غار
جيشك العظيم

أسوده ثوار
لا تهاب حبيبتى
ذل أو انكسار
فداء ثراك دماء
شهداءك الأبرار
وجود الخونة بينا
علينا عار
عشتى يا مصر فى
حفظ الواحد القهار

المرتشى

يا مرتشى لا ذمة
لك و لا دين
كان إيه ناقصك يا حزين
قاعد تستف بالملايين
بتأمن مستقبل مين؟
و بتصرف شمال ويمين
أهى راسك بقت
فى الطين
يا ماصص

دم المساكين
وتقول شوف
بتكلم مين

خسرت دينك ودينيتك
وب قيت من الملعونين
يا بو عين باكسة
وقوية آه يا
شلة حرامية
فتح الدرج دا
عندك غية

و تقول أهى
مرة و معدية
هو إحنا
ناقصين مرازية
بيحموك البطجية
و النزيه عندكو
ملوش دية

فلوس و قصور
وكم عربية
عايشين بالطول

والعرض ولاهمية
يا قلوب
جاحدة وغبية
سجنكم حتي شويا
دا من أمنك
لم تخونوا
لكن البعدا
ناقصين تربية

أول ما رأيته

ما رأيته حبيته
بينى وبين
نفسى اتمنيته
يا حبيبى انا
قلت يا ريتك
ما تكنشى
مشغول القلب

حبي في
قلبي داريته
عن كل العالم خبيته
وجوا رموش عيني نيته
وانت يا حبيبى قاسى
فايتنى لوحدى قاسى

نسنتى أهلى و ناسى
يا ساقينى المر بكاسى

لما بتفوت قبالى بعمل
موش واخدة بالى
وخاف يكشفنى حالى
من كلمة أو نظرة حب
و فى ليلة الشوق نادانى
تفكيرى وحده هدانى
ماكتبش ليه رسالة
فيها أرق المعانى؟
رسالتى بعثها له و بعدت

عن مكانى انتظر رد جوابى
وانا فى شوقى وحيرتى
لقيته واقف قبالى
بيقولى يا أميرتى

يا مالكة قلبي وكياني
أول ما رأيته
حببتك بيني
وبين نفسي اتمنيته
وقلت يا حبيبتي انتي
وبس اللي ف قلبي

على قيد الحياة

على قيد الحياة
اتكتب أسامينا
عايشين فيكى يا
دنيا بنعد خطاونا
ترميننا وسط النار
وتكتفي إيدينا
ناس عايشة في جنتك
وليه من المر سقيتنا
بتوه منا الخطاوى
لما تغمى عنينا

جينا نضم الفرحة
طلعت فاضية إيدينا
ملاقينا غير أحلامنا

بتأخذنا و تودينا
يا طول صبرك يا قلبى
يا رب عوض علينا
يا دنيا حنى بقي
كفاية تتحدينا
و حياة مقام النبى
ما تعذبى فينا
هو انتي اسية ليه
خايفة تفرحينا
فيكى ودعنا الحبايب
أعز ما لينا
عايشين علي ذكراهم
يا مين يداوينا
يارب أنت المعين
بالخير تجازينا
فوضنا الأمر اليك
فرح قلوبنا وليالينا

محتوى الكتاب

2	بطاقة الكتاب
3	إهداء
4	حكايتنا سوا
7	حكايتنا سوا
9	بتلف الدنيا بينا
12	إزرع بذور الخير
15	الشهيد
17	إبنى شهيد الإرهاب
20	الى بنى مصر
25	سأل عليا
29	وحيد سهران
31	ساكن قلبى وعينى

- 33 يا مصر جوا قلبى
- 36 شهر رمضان
- 38 على فين رايعين
- 41 أقدار
- 42 فکرت مره تحب حد
- 46 عود يا الحبيب
- 49 صفا زمانى
- 51 حنين
- 53 صدقته
- 55 ليه يانفسى
- 57 يامرکب الحبايب
- 59 اعتذار
- 61 حبه زى حلم جميل
- 64 بعد المغربية

66	اختار كلامك
69	أعز الحبايب
72	ضحكت حبيبي
74	اسكندرية
77	عصفور
79	رسائل
82	إياك تهين أصيل
84	كلام الناس
86	ياقلبي رايح فين
88	جيشك يامصر
90	المرتشي
93	أول ما رأيته
96	على قيد الحياة
98	محتوى الكتاب